

বাংলাদেশ ন্যাশনাল হারবেরিয়াম

বার্ষিক প্রতিবেদন

২০১৮-১৯



# বাংলাদেশ ন্যাশনাল হারবেরিয়াম



# বাংলাদেশ ন্যাশনাল হারবেরিয়াম

## ৭.১. ভিশন

উদ্ভিদ সংক্রান্ত মৌলিক তথ্য ভান্ডার সমৃদ্ধ করা এবং ভোক্তাদের মধ্যে ইহা ছড়িয়ে দেয়া।

## ৭.২. মিশন

দেশের উদ্ভিদ সম্পদের পুঞ্জাণুপুঞ্জ পরীক্ষা-নিরীক্ষা এবং বর্ণনামূলক তালিকা প্রস্তুত করা।

## ৭.৩. পরিচিতি

বাংলাদেশ ন্যাশনাল হারবেরিয়াম (বিএনএইচ) দেশের উদ্ভিদ প্রজাতি জরিপ, নমুনা সংগ্রহ, সনাক্তকরণ, ডকুমেন্টেশন ও শূষ্ক উদ্ভিদ নমুনা সংরক্ষণ এবং শ্রেণীবিদ্যা (Taxonomy) বিষয়ক একটি জাতীয় গবেষণা প্রতিষ্ঠান। হারবেরিয়ামে সংরক্ষিত তথ্যসমৃদ্ধ এসকল উদ্ভিদ নমুনা জাতীয় সম্পদ হিসেবে যুগ যুগ ধরে দেশের উদ্ভিদ বিজ্ঞান চর্চায় রেফারেন্স ম্যাটেরিয়াল হিসেবে ব্যবহৃত হয়। এসকল নমুনাসমূহ দেশীয় উদ্ভিদ প্রজাতি ও বৈচিত্র্য সঠিকভাবে সনাক্তকরণের এবং মূল্যায়নের অন্যতম ভিত্তি। প্রতিষ্ঠানটি দেশের বিলুপ্তপ্রায় ও ভেজ উদ্ভিদসহ অর্থনৈতিক দিক দিয়ে গুরুত্বপূর্ণ উদ্ভিদ সম্পদের গবেষণা ও উন্নয়ন, এবং পরিবেশ ও জীববৈচিত্র্য সুরক্ষায় তাৎপর্যপূর্ণ ভূমিকা পালন করে থাকে।

বাংলাদেশ ন্যাশনাল হারবেরিয়ামের যাত্রা শুরু হয় ১৯৭০ সালে ‘বোটানিক্যাল সার্ভে অব ইস্ট পাকিস্তান’ শীর্ষক একটি উন্নয়ন প্রকল্পের মাধ্যমে। স্বাধীনতা পরবর্তী সময়ে প্রকল্পটি ‘বোটানিক্যাল সার্ভে অব বাংলাদেশ’ নামে প্রথমে কৃষি মন্ত্রণালয় এবং পরে বন, মৎস্য ও পশু সম্পদ মন্ত্রণালয়ের আর্থিক সহায়তায় বাস্তবায়িত হয়। জাতির পিতা বঙ্গবন্ধু শেখ মুজিবুর রহমানের পৃষ্ঠপোষকতায় ১৯৭৫ সালের ১ জুলাই থেকে প্রকল্পটি ‘বাংলাদেশ ন্যাশনাল হারবেরিয়াম’ নামে প্রতিষ্ঠা লাভ করে। প্রতিষ্ঠানটি ১ জুলাই ১৯৯৪ সালে পরিবেশ ও বন মন্ত্রণালয়ের (বর্তমান নাম: পরিবেশ, বন ও জলবায়ু পরিবর্তন মন্ত্রণালয়) অধীনে ন্যস্ত হয়। গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনা ৭ ফেব্রুয়ারি ২০০০ তারিখে মিরপুর জাতীয় উদ্ভিদ উদ্যান প্রাঙ্গনে হারবেরিয়ামের নিজস্ব ভবনটির উদ্বোধন করেন। ১৬ অক্টোবর ২০০৪ সালে হারবেরিয়ামকে পরিদপ্তর হিসাবে ঘোষণা করা হয়।

## ৭.৪. জনবল

সারণি-১: বাংলাদেশ ন্যাশনাল হারবেরিয়ামের কর্মকর্তা/কর্মচারী সংখ্যা

ক্রমিক নং	শ্রেণি	অনুমোদিত পদ	কর্মরত পদ	শূণ্যপদ
১.	প্রথম শ্রেণি (গ্রেড ১-৯)	১৯	১১	৮
২.	দ্বিতীয় শ্রেণি (গ্রেড ১০)	০৩	০৩	-
৩.	তৃতীয় শ্রেণি (গ্রেড ১১-১৬)	১৮	১৬	০২
৪.	চতুর্থ শ্রেণি (গ্রেড ১৭-২০)	১২	১০	০২
মোট =		৫২	৪০	১২

## ৭.৫. কার্যাবলী

বাংলাদেশ ন্যাশনাল হারবেরিয়ামের কার্যাবলী মূলতঃ নিম্নোক্ত পাঁচটি সুনির্দিষ্ট ভাগে সম্পন্ন হয়ে থাকে।

### ৭.৫.১. উদ্ভিদ জরিপ, নমুনা সংগ্রহ এবং হারবেরিয়াম শীট প্রস্তুতকরণ

উদ্ভিদ জরিপ কার্যক্রম ন্যাশনাল হারবেরিয়াম থেকে সম্পাদিত কর্মকর্তাদের একটি অত্যন্ত গুরুত্বপূর্ণ অংশ। হারবেরিয়ামের বৈজ্ঞানিক কর্মকর্তাগণ সাধারণত ভাউচার হারবেরিয়াম শীট তৈরীর লক্ষ্যে নিয়মিত ভাবে দেশের বনভূমি, সমতলভূমি, জলাভূমি এবং পাহাড়ী

এলাকাসহ বিভিন্ন ইকোসিস্টেমে জরীপের মাধ্যমে ছবি, তথ্য ও ফুল-ফল সমেত উদ্ভিদ নমুনা সংগ্রহ করে থাকেন। তবে কোন কোন ক্ষেত্রে গাছের ফল ও বীজ শুকিয়ে বোতলে অথবা রসালো ফুল, ফল, টিউবার বা অন্যান্য নরম অংশ স্পিরিটে সংরক্ষণ করে থাকেন। জরীপকালে বড় বৃক্ষ, গুল্ম ও লতা জাতীয় উদ্ভিদের ফুল-ফল, পাতা ও ডাল সমেত একটি অংশ এবং ছোট বীরুৎ জাতীয় উদ্ভিদের সমগ্র অংশ সংগ্রহ করা হয়। প্রতিটি উদ্ভিদ হতে সাধারণত ৩-৪টি নমুনা সংগ্রহ করা হয়ে থাকে, তবে বিরল প্রজাতির ক্ষেত্রে এমনভাবে নমুনা সংগ্রহ করা হয় যেন সেগুলো পরবর্তীতে বংশবিস্তার করতে পারে। সংগৃহীত প্রতিটি উদ্ভিদ নমুনার জন্য একটি কালেকশন নাম্বার দিয়ে এদের বৈজ্ঞানিক নাম, স্থানীয় নাম, পরিবার, সংগ্রহ স্থান ও তারিখ, গাছের বিভিন্ন বৈশিষ্ট্য, লোকজ ব্যবহার, বাস্তুসংস্থান, প্রাচুর্য ইত্যাদি সম্পর্কিত তথ্যাদি ফিল্ড নোটবুকে লিপিবদ্ধ করা হয়।



চিত্র ৭.১: বগালেক-কেওক্রাডং, বান্দরবান হতে উদ্ভিদ নমুনা সংগ্রহ



চিত্র ৭.২: লাউয়াছড়া জাতীয় উদ্যান, মৌলভীবাজার হতে উদ্ভিদ নমুনা সংগ্রহ



চিত্র ৭.৩: পলি ফরেস্ট, রুমা, বান্দরবান হতে উদ্ভিদ নমুনা সংগ্রহ



চিত্র ৭.৪: আদমপুর ফরেস্ট, মৌলভীবাজার হতে উদ্ভিদ নমুনা সংগ্রহ

পরবর্তীতে মাঠ পর্যায়ে সংগৃহীত উদ্ভিদ নমুনাগুলোর অতিরিক্ত অংশ ছাটাই করে একটি নির্দিষ্ট মাপে কেটে পুরাতন খবরের কাগজে স্থাপন করা হয়। উদ্ভিদ নমুনা সমেত প্রতিটি কাগজের ফাঁকে একটি করে খবরের কাগজ পর পর রেখে সজ্জিত করা হয়। সর্বশেষে সজ্জিত নমুনার স্তুপটি প্লান্ট প্রেস জোড়ের মধ্যে রেখে দড়ি দ্বারা শক্ত করে চেপে বাঁধা হয়। এভাবে সংগৃহীত নমুনা সমেত প্লান্ট প্রেসটি সূর্যালোকে বা ইলেকট্রিক ডায়ারে রেখে শুকানো হয়। উদ্ভিদ নমুনাগুলো পরিপূর্ণভাবে শুকানো হলে প্রতিটি উদ্ভিদের ১টি নমুনা নির্দিষ্ট মাপের সুইডিশ বোর্ড পেপারের উপর গাম দিয়ে লাগিয়ে হারবেরিয়াম শীট প্রস্তুত করা হয়। অপরদিকে, প্রতিটি উদ্ভিদ হতে সংগৃহীত অবশিষ্ট দুই থেকে তিনটি নমুনা পৃথকভাবে ডুল্লিকেট বক্সে সংরক্ষণ করা হয়ে থাকে, যা দেশের ও বিদেশের অন্যান্য হারবেরিয়ামের মধ্যে লোন (loan) এবং এক্সচেঞ্জ ম্যাটেরিয়াল (exchange material) হিসেবে ব্যবহৃত হয়ে থাকে। ওপরে বর্ণিত পদ্ধতিতে প্রস্তুতকৃত হারবেরিয়াম শীটে ফিল্ড নোটবুকে লিপিবদ্ধকৃত তথ্য সম্বলিত লেবেল, পকেট খামে স্থাপিত নমুনার কিছু অংশ (পাতা, ফুল ও ফল) এবং সংগ্রহের স্থান চিহ্নিত ম্যাপ লাগিয়ে একটি তথ্যপূর্ণ হারবেরিয়াম শীট প্রস্তুত করা হয়। এসকল হারবেরিয়াম শীট সংরক্ষণের পূর্বে মাইনাস ২০ ডিগ্রী সেলসিয়াস তাপমাত্রায় ৭২ ঘন্টা ফ্রিজিং করে ছত্রাক, এবং পোকা-মাকড়ের ডিম ও লার্ভা মুক্ত (নির্জীব করা) করা হয়।

## ৭.৫.২. উদ্ভিদ শ্রেণীবিন্যাস সম্পর্কিত গবেষণা

উদ্ভিদ শ্রেণীবিন্যাস সম্পর্কিত গবেষণার মূল প্রতিপাদ্য বিষয় হল- উদ্ভিদ প্রজাতি সনাক্তকরণ, শ্রেণী বিন্যাসকরণ, নতুন উদ্ভিদ প্রজাতি আবিষ্কার ও নামকরণ, এবং বিভিন্ন প্রজাতির উদ্ভিদের মধ্যে পারস্পরিক সম্পর্ক নির্ণয়করণ। মাঠ পর্যায়ে সংগৃহীত উদ্ভিদ নমুনা সমূহ হারবেরিয়ামের বিজ্ঞানীগন সাধারণত হারবেরিয়াম কাপবোর্ড-এ সংরক্ষিত ও সঠিকভাবে সনাক্তকৃত হারবেরিয়াম শীটের সাথে মিলিয়ে (match) সনাক্ত করে থাকেন। তবে সম্পূর্ণ অপরিচিত কিংবা জটিল নমুনা সনাক্তকরণের ক্ষেত্রে ফুল-ফলসহ অন্যান্য অংশসমূহ গবেষণাগারে ব্যবচ্ছেদপূর্বক অণুবীক্ষণ যন্ত্রের সাহায্যে এর বিভিন্ন বৈশিষ্ট্যসমূহ পর্যবেক্ষণ করা হয়ে থাকে। পরবর্তিতে বিভিন্ন দেশের নির্ভরযোগ্য ফ্লোরার সাথে পর্যবেক্ষণকৃত বৈশিষ্ট্যসমূহের তুলনা করে সংগৃহীত উদ্ভিদ প্রজাতিগুলো সনাক্ত করা হয়ে থাকে। যে সকল উদ্ভিদ প্রজাতির বৈশিষ্ট ট্যাক্সোনমিক্যাল (taxonomical) গবেষণার মাধ্যমে ইতোমধ্যে আবিষ্কৃত অন্য কোন উদ্ভিদ প্রজাতির সাথে সাদৃশ্যপূর্ণ নয় বলে প্রমানিত হয়, সেগুলোকে নতুন প্রজাতি হিসেবে চিহ্নিত করা হয়। এভাবে গবেষণার মাধ্যমে কোন নতুন প্রজাতি আবিষ্কার করা হলে আইসিবিএন অনুযায়ী উহার নামকরণ ও শ্রেণী বিন্যাসপূর্বক দেশী/বিদেশী জার্নালে প্রকাশ করা হয়। বিভিন্ন উদ্ভিদ প্রজাতির মধ্যে পারস্পরিক সাদৃশ্য/বৈসাদৃশ্য ও সম্পর্ক নির্ণয়ের জন্য হারবেরিয়ামের গবেষণাগারে ট্যাক্সোনমিক্যাল (taxonomical) গবেষণার পাশাপাশি সাইটোলজিক্যাল (cytological) ও এনাটমিক্যাল (anatomical) গবেষণা পরিচালনা করা হয়ে থাকে।



চিত্র ৭.৭: হারবেরিয়ামের বিজ্ঞানী কর্তৃক গবেষণাগারে উদ্ভিদ নমুনা সনাক্তকরণ



চিত্র ৭.৮: হারবেরিয়াম কাপবোর্ডে সংগৃহীত উদ্ভিদ নমুনা পর্যবেক্ষণ



চিত্র ৭.৯: হারবেরিয়ামে সংগৃহীত উদ্ভিদ নমুনার চিত্রাঙ্কন

## ৭.৫.৩. নমুনা সংরক্ষণ ও হারবেরিয়াম ব্যবস্থাপনা

ট্যাক্সোনমিক (taxonomic) গবেষণার মাধ্যমে সনাক্তকৃত সকল উদ্ভিদ নমুনা ক্রনকুইস্টের শ্রেণীবিন্যাস অনুযায়ী হারবেরিয়াম কাপবোর্ড-এ সংরক্ষণের পূর্বে প্রতিটি হারবেরিয়াম শীটে একটি একসেশন নম্বর প্রদান করা হয়। প্রতিটি উদ্ভিদ নমুনাকে স্বতন্ত্রভাবে চিহ্নিত করতে এই একসেশন নম্বর অত্যন্ত গুরুত্বপূর্ণ ভূমিকা পালন করে থাকে। প্রতিটি প্রজাতির জন্য একটি স্বতন্ত্র (প্রয়োজনে একাধিক) ফোল্ডার তৈরী করে উক্ত প্রজাতির সকল নমুনা উহার ভিতর স্থাপন করা হয়। কাপবোর্ডে সংরক্ষিত প্রতিটি পরিবারের অধিন্যস্ত গণ এবং প্রজাতি সমূহকে ইংরেজি বর্ণমালার ক্রমানুসারে সাজিয়ে রাখা হয়। উদ্ভিদ নমুনা সমূহ শুষ্ক অবস্থায় সংগ্রহের পাশাপাশি উদ্ভিদের ফল ও বীজ শুষ্ক অবস্থায় এবং রসালো ফুল-ফল, টিউবার ও অন্যান্য নরম অংশসমূহ স্পিরিট সহযোগে কাচের জারে ইথনোবোটানী মিউজিয়ামে সংরক্ষণ করে রাখা হয়। সংরক্ষিত নমুনাগুলো ছত্রাক ও কীট-প্রতঞ্জের আক্রমণ হতে সুরক্ষার জন্য হারবেরিয়াম কক্ষটি সর্বদা শীতাতপ নিয়ন্ত্রিত রাখার পাশাপাশি কাপবোর্ডে সংরক্ষিত নমুনায় নিয়মিত ছত্রাকনাশক ও কীটনাশক প্রয়োগ করা হয়। সংরক্ষিত নমুনা হতে কীট-প্রতঞ্জকে দূরে রাখতে কাপবোর্ডের খলের মধ্যে ন্যাপথলিনও রাখা হয়। এসকল পদক্ষেপ নেয়ার পরও নষ্ট হয়ে যাওয়া নমুনা সমূহ নথিভুক্ত করে অপসারণ করা হয়। সঠিক ও সুষ্ঠুভাবে পরিচর্যাকৃত তথ্যসমৃদ্ধ এ সকল উদ্ভিদ নমুনা জাতীয় সম্পদ হিসেবে যুগ যুগ ধরে সংরক্ষণ করা হচ্ছে।



চিত্র ৭.১০: শুষ্কবস্থায় প্রস্তুতকৃত ২টি হারবেরিয়াম শীট

#### ৭.৫.৪. ফ্লোরিস্টিক ডকুমেন্টেশন ও প্রকাশনা

হারবেরিয়াম কার্যক্রমের চতুর্থ পর্যায়ের কাজের আওতায় ইলেকট্রনিক ডাটাবেইজ (e-database) তৈরির লক্ষ্যে হারবেরিয়ামে সংরক্ষিত উদ্ভিদ নমুনার সাথে সংযুক্ত লেবেলে লিপিবদ্ধ তথ্যসমূহ কম্পিউটারে ডকুমেন্টেশন করা হয়ে থাকে। এই ই-ডাটাবেইজ হারবেরিয়ামে সংরক্ষিত যে কোন প্রজাতির প্রাপ্তিস্থান, প্রাচুর্য, দুস্প্রাপ্যতা, ফুল ও ফল ধারণের সময়, স্থানীয় নাম, লোকজ ব্যবহার ইত্যাদি তথ্য অনুসন্ধান সহায়ক। হারবেরিয়াম শীটে লিপিবদ্ধ তথ্য এসব ফ্লোরিস্টিক রচনায় ব্যবহার করা হয়। হারবেরিয়ামের বৈজ্ঞানিক কর্মকর্তাগণ বিভিন্ন আঙ্গিকে তাঁদের কাজের লক্ষ্য ও উদ্দেশ্য সামনে রেখে হারবেরিয়াম ও ল্যাবরেটরীতে নিয়মিতভাবে গবেষণা কাজ করে থাকেন। তাঁরা তাঁদের গবেষণা কাজের ফলাফল প্রধানতঃ ফ্লোরা অব বাংলাদেশ, বুলেটিন অব দ্য বাংলাদেশ ন্যাশনাল হারবেরিয়াম, অন্যান্য ফ্লোরিস্টিক প্রকাশনাসহ জাতীয় ও আন্তর্জাতিক জার্নালে প্রকাশ করে থাকেন। প্রয়োজ্য ক্ষেত্রে হারবেরিয়ামের আর্টিস্টগণ ফ্লোরিস্টিক প্রকাশনার জন্য হারবেরিয়াম শীটে রক্ষিত উদ্ভিদ নমুনা থেকে বোটানিক্যাল ইলাস্ট্রেশন অংকন করে থাকেন। সাম্প্রতিক সময়ে চট্টগ্রাম এবং পার্বত্য চট্টগ্রাম অঞ্চলের ভাস্কুলার উদ্ভিদের উপর তিন খন্ডে এমন একটি ফ্লোরিস্টিক পুস্তক প্রকাশ করা হয়েছে।



চিত্র ৭.১১: ভাস্কুলার ফ্লোরা অব চিটাগাং এন্ড দ্য চিটাগাং হিল ট্রাক্টস' শীর্ষক প্রকল্পের আওতাধীন প্রকাশিত তিন খন্ডের একটি পুস্তক

#### ৭.৫.৫. উদ্ভিদ বৈচিত্র্য বিষয়ক কারিগরি সেবা প্রদান

ন্যাশনাল হারবেরিয়ামের আরো একটি গুরুত্বপূর্ণ কাজ হলো দেশের উদ্ভিদ প্রজাতির সঠিক সনাক্তকরণ, পরিসংখ্যান এবং অস্তিত্ব রক্ষার টেকসই কৌশল বের করা। হারবেরিয়ামের বিজ্ঞানীগণ দেশের নীতি নির্ধারণী পর্যায়ে হতে শুরু করে বিভিন্ন সরকারি/বেসরকারি কলেজ, বিশ্ববিদ্যালয়, গবেষণা প্রতিষ্ঠান ইত্যাদি হতে আগত শিক্ষার্থী, শিক্ষক, গবেষক, চিকিৎসক, এনজিও কর্মীদের দেশীয় উদ্ভিদ প্রজাতি সনাক্তকরণ, একসেশন (accession) নম্বর প্রদান, ভাউচার নমুনা সংরক্ষণ, দেশীয় উদ্ভিদ সম্পর্কিত বিভিন্ন তথ্য প্রদান করে আসছে। উদ্ভিদ শ্রেণীতত্ত্ব বিষয়ে উচ্চতর গবেষণা কাজেও ন্যাশনাল হারবেরিয়াম সাহায্য প্রদান করে আসছে। দেশের বিলুপ্তপ্রায় উদ্ভিদসহ অন্যান্য গুরুত্বপূর্ণ উদ্ভিদ প্রজাতির টেকসই ব্যবস্থাপনা এবং সংরক্ষণ কার্যক্রমের সাথে যুক্ত বিভিন্ন সরকারি/বেসরকারি প্রতিষ্ঠানকে কারিগরি পরামর্শ প্রদান করে থাকে। উদ্ভিদ উপাদান আমদানি অথবা রপ্তানির ক্ষেত্রে ন্যাশনাল হারবেরিয়াম সঠিক প্রজাতি সনাক্ত করে সার্টিফিকেট প্রদান করতে পারে। কোন প্রকল্প, স্থাপনা, জলবায়ুর ক্ষতিকারক প্রভাব, প্রাকৃতিক দুর্যোগ বা মানব সৃষ্ট কারণে দেশের কোন ফরেস্ট/ ইকোসিস্টেম/ এলাকা/ অঞ্চল ক্ষতিগ্রস্ত হলে উদ্ভিদ বৈচিত্র্যের উপর ইহার সম্ভাব্য বিরূপ প্রভাব নির্ণয়ে ন্যাশনাল হারবেরিয়াম ভূমিকা পালনে সক্ষম।

২০১৮-১৯ অর্থবছরে ন্যাশনাল হারবেরিয়ামের সাথে ঢাকা বিশ্ববিদ্যালয়, খুলনা বিশ্ববিদ্যালয়, জাহাঙ্গীরনগর বিশ্ববিদ্যালয়, চট্টগ্রাম বিশ্ববিদ্যালয়, জগন্নাথ বিশ্ববিদ্যালয়, ব্রাক বিশ্ববিদ্যালয়, প্রাইম এশিয়া বিশ্ববিদ্যালয়, ইস্ট ওয়েস্ট বিশ্ববিদ্যালয়, ড্যাফোডিল বিশ্ববিদ্যালয়, স্টামফোর্ড বিশ্ববিদ্যালয়, ইউনিভার্সিটি অব ডেভেলপমেন্ট অলটারনেটিভ, নর্থ সাউথ বিশ্ববিদ্যালয়, যশোর বিজ্ঞান ও প্রযুক্তি বিশ্ববিদ্যালয়, নোয়াখালী বিজ্ঞান ও প্রযুক্তি বিশ্ববিদ্যালয়, সাধনা ঔষধালয়, রাজধানী হোমিও ল্যাবরেটরিজ, ডিপলেড ফার্মাকো লিমিটেড ইত্যাদি প্রতিষ্ঠানের মধ্যে সহযোগিতাধর্মী (Collaborative) কার্যক্রম সম্পাদিত হয়।



চিত্র ৭.১২: হারবেরিয়ামে আগত ছাত্র-ছাত্রীদের উদ্ভিদ নমুনা সনাক্তকরণ ও সংরক্ষণ পদ্ধতিসহ এর গবেষণা কার্যক্রম সম্পর্কে প্রশিক্ষণ প্রদান

#### ৭.৬. বিগত অর্থ বছরে (২০১৮-১৯) সম্পাদিত উল্লেখযোগ্য কর্মকান্ড

সারণী-২: একনজরে ২০১৮-১৯ অর্থ বছরে বাংলাদেশ ন্যাশনাল হারবেরিয়াম এর উল্লেখযোগ্য কর্মকান্ড

কর্মকান্ডের বিবরণ	২০১৮-২০১৯
মাঠ পর্যায়ে পরিচালিত জরিপ সংখ্যা	০৮ টি
জরিপ পরিচালিত এলাকার পরিমাণ	২৫ বর্গ কিলোমিটার
উদ্ভিদ নমুনা সংগ্রহ	১৪৪০ টি
উদ্ভিদ নমুনা সনাক্তকরণ	১৩৫০ টি
এক্সেশন নাম্বার প্রদান	১৪৩৬ টি

উদ্ভিদ নমুনার ডাটাবেজ তৈরীকরণ	১১০০ টি
হারবেরিয়াম ও ল্যাবরেটরীতে পরিচালিত গবেষণার সংখ্যা	০২ টি
জার্নালে প্রকাশিত গবেষণা প্রবন্ধের সংখ্যা	০৪ টি
হারবেরিয়াম কর্তৃক প্রকাশিত 'ফ্লোরা অব বাংলাদেশের' সংখ্যা	০৩ টি
নতুন আবিষ্কৃত উদ্ভিদ প্রজাতি/ভ্যারাইটি'র সংখ্যা	০৭ টি
উপকারভোগী সংস্থার সংখ্যা	৪২ টি
উপকারভোগী ব্যক্তির সংখ্যা	৪৫০ জন
নিয়োগকৃত জনবল সংখ্যা	৪ জন
মানব সম্পদ উন্নয়ন (প্রশিক্ষণপ্রাপ্ত কর্মকর্তা-কর্মচারীর সংখ্যা)	৩৭ জন

## ৭.৭. অর্জনসমূহ

ন্যাশনাল হারবেরিয়ামের ২০১৮-১৯ অর্থ বছরের উল্লেখযোগ্য অর্জনসমূহ নিম্নরূপ:

- ১। ন্যাশনাল হারবেরিয়াম 'সার্ভে অব ভাস্কুলার ফ্লোরা অব চিটাগাং এন্ড দ্য চিটাগাং হিল ট্রাস্টস্' শীর্ষক প্রকল্প বাস্তবায়নের মাধ্যমে চট্টগ্রাম এবং পার্বত্য চট্টগ্রাম অঞ্চলের ৫টি জেলার (চট্টগ্রাম, কক্সবাজার, খাগড়াছড়ি, বান্দরবান ও রাজশাহী) উদ্ভিদ জরিপ কার্য এবং তথ্য ও ছবিসহ নমুনা সংগ্রহ কার্য সম্পন্ন করেছে। প্রকল্পের আওতায় ৪০,০০০ টি উদ্ভিদ নমুনা (ডুপ্লিকেটসহ ১,৫০,০০০ টি নমুনা) সংগ্রহ, সনাক্তকরণ ও সংরক্ষণ করেছে। বর্ণিত প্রকল্পের আওতায় ২৯১৬ টি ভাস্কুলার উদ্ভিদের সচিত্র বর্ণনা সম্বলিত তিন খন্ডে 'ভাস্কুলার ফ্লোরা অব চিটাগাং এন্ড দ্য চিটাগাং হিল ট্রাস্টস্' শীর্ষক পুস্তক প্রকাশ করা হয়েছে। যাহাতে উক্ত এলাকায় প্রাপ্ত উদ্ভিদের সনাক্তকরণের পদ্ধতি, বৈজ্ঞানিক নাম, স্থানীয় নাম, বাংলা ও ইংরেজীতে বর্ণনা, বর্তমান অবস্থা, ব্যবহার, আবাসস্থল ইত্যাদি সম্পর্কিত তথ্য লিপিবদ্ধ করা হয়েছে। বর্ণিত পুস্তকে প্রকল্প এলাকার ৩৪৪ টি বিলুপ্তপ্রায় উদ্ভিদ প্রজাতি চিহ্নিত করে উহাদের সংরক্ষণ পদ্ধতি বাতলে দেওয়া হয়েছে। পুস্তকটি এ দেশের বোটানিক্যাল হিস্ট্রিতে একটি মাইল ফলক হয়ে থাকবে।
- ২। হারবেরিয়ামের বিজ্ঞানীগণ বিশ্বের জন্য নতুন এমন ০৩ টি উদ্ভিদ প্রজাতি এবং ০৪ টি ভ্যারাইটি আবিষ্কার করেছেন যাহা দেশের ফ্লোরিস্টিক গবেষণায় অত্যন্ত গুরুত্বপূর্ণ অবদান রাখবে।

২০১৮-২০১৯ অর্থ বছরে বাংলাদেশ হতে আবিষ্কৃত ০৩ টি নতুন উদ্ভিদ প্রজাতির ছবি নিম্নরূপ:



চিত্র ৭.১৪: **Alocasia hararganjensis**  
Ara & Hassan



চিত্র ৭.১৫: **Typhonium elatum** Ara &  
Hassan



চিত্র ৭.১৬: **Alocasia salarkhanii** Ara &  
Hassan

- ৩। Araceae, Bromeliaceae এবং Canaceae পরিবার নিয়ে 'Flora of Bangladesh' শীর্ষক সিরিজের তিনটি সংখ্যা (সিরিজ নং- ৭৩, ৭৪ এবং ৭৫) প্রকাশ।

- ৪। চট্টগ্রাম-পার্বত্য চট্টগ্রাম অঞ্চলে পাওয়া যায় এমন ২৯১৬ টি উদ্ভিদ প্রজাতির তথ্য ও ছবিসহ ই-ডাটাবেইজ প্রস্তুতপূর্বক 'Flora of Bangladesh' শীর্ষক ওয়েব সাইটে প্রকাশ করা হয়েছে।
- ৫। উদ্ভিদ জরিপ কার্যক্রমের আওতায় বান্দরবান জেলার রুমা উপজেলাধীন পলি ফরেস্ট (বগালেক ও কেওক্রাডং); সিলেট জেলার রাতারগুল জলাজঙ্গল ও খাদিমনগর ন্যাশনাল পার্ক; দিনাজপুর জেলার নবাবগঞ্জ ন্যাশনাল পার্ক, সিংরা ন্যাশনাল পার্ক, বীরগঞ্জ ন্যাশনাল পার্ক এবং রামসাগর ন্যাশনাল পার্ক; এবং নওগাঁ জেলার আলতাদীঘি ন্যাশনাল পার্ক হতে উদ্ভিদ জরিপ কার্যের মাধ্যমে ১৪৪০ টি উদ্ভিদ নমুনা সংগ্রহ করা হয়েছে। ন্যাশনাল হারবেরিয়ামে ফুল-ফল, তথ্য এবং চিত্র সমেত ১৪৩৬ টি উদ্ভিদ প্রজাতির নমুনা সংরক্ষণ করা হয়েছে।
- ৬। দেশের ৪২ টি সংস্থা (কলেজ-বিশ্ববিদ্যালয়, গবেষণা প্রতিষ্ঠান ও ঔষধ প্রস্তুতকারক প্রতিষ্ঠান) হতে আগত ৪৫০ জন ছাত্র-শিক্ষক/গবেষক/দর্শনার্থীদের উদ্ভিদ নমুনা সনাক্তকরণ ও উদ্ভিদ সম্পর্কিত তথ্য সেবা প্রদান করা হয়েছে।
- ৭। দেশের বিভিন্ন কলেজ-বিশ্ববিদ্যালয় হতে আগত উদ্ভিদ বিজ্ঞানের ৬৬৮ জন ছাত্র-ছাত্রীকে তাদের পাঠ্য পুস্তকে অন্তর্ভুক্ত হারবেরিয়ামে উদ্ভিদ নমুনা সংরক্ষণ পদ্ধতি সম্পর্কে প্রশিক্ষণ প্রদান করা হয়েছে।
- ৯। বিভিন্ন প্রতিষ্ঠানের আনুমানিক আরো ১৪১৫ প্রজাতির উদ্ভিদ নমুনার এক্সেসন নম্বর (Accession Number) প্রদান করা হয়েছে।

## ৭.৮. উন্নয়ন প্রকল্প

২০১৮-২০১৯ অর্থ বছরে বাংলাদেশ ন্যাশনাল হারবেরিয়াম এর কোন চলমান প্রকল্প ছিল না, তবে নিম্নে বর্ণিত প্রকল্প দুইটি প্রণয়ন করা হয়েছে।

সারণি-৩: উন্নয়ন প্রকল্পের বিবরণ

ক্র.নং	প্রকল্পের নাম	মেয়াদ	প্রাক্কলিত ব্যয় (কোটি টাকায়)	অর্থায়ন
১।	Developing Bangladesh National Red List of plants & Developing Invasive plant Species (IAPs) Management Strategy For Selected Protected Areas	২০১৯-২০২২	৭.৪৫	সুফল প্রকল্প
২।	বরিশাল এবং সিলেট বিভাগের ভাস্কুলার উদ্ভিদ প্রজাতি জরিপ (এসভিএফবিএস)	২০১৯-২০২২	১৭.৫০	জিওবি

## ৭.৯. ভবিষ্যৎ কর্ম পরিকল্পনা

সারণি-৪: ভবিষ্যৎ কর্মপরিকল্পনা

ক্র.নং	কর্ম পরিকল্পনার বিবরণ
<b>(ক) স্বল্প মেয়াদী কর্ম পরিকল্পনার বিবরণ (২০১৯-২০২১)</b>	
১।	রাতারগুল জলা-জঙ্গল এবং খাদিমনগর ন্যাশনাল পার্ক, সিলেট হতে উদ্ভিদ বৈচিত্র্য মূল্যায়নের লক্ষ্যে জরিপ কার্য পরিচালনা করা।
২।	সিংরা ন্যাশনাল পার্ক, বীরগঞ্জ ন্যাশনাল পার্ক এবং রামসাগর ন্যাশনাল পার্ক নবাবগঞ্জ ন্যাশনাল পার্ক, দিনাজপুর; আলতাদীঘি ন্যাশনাল পার্ক, নওগাঁ এবং কাদিগড় ন্যাশনাল পার্ক, ময়মনসিংহ হতে উদ্ভিদ বৈচিত্র্য মূল্যায়নের লক্ষ্যে জরিপ কার্য পরিচালনা করা।
৩।	ন্যাশনাল হারবেরিয়ামে সংরক্ষণের লক্ষ্যে ফুল-ফল, তথ্য এবং চিত্র সমেত ২৮০০ টি উদ্ভিদ প্রজাতির নমুনা সংগ্রহ করা।
৪।	হারবেরিয়ামে সংরক্ষিত ৩০০০ টি উদ্ভিদ নমুনার ই-ডাটাবেইজ তৈরি করা।

৫।	হারবেরিয়ামে সংরক্ষিত ১২০০০ টি উদ্ভিদ নমুনার পরিচর্যা করা।
৬।	প্লান্ট ট্যাক্সোনমিক গবেষণার মাধ্যমে ০৫টি নতুন উদ্ভিদ প্রজাতি/রেকর্ড আবিষ্কার করা।
৭।	‘ফ্লোরা অব বাংলাদেশ’ সিরিজের ৯ টি সংখ্যা প্রকাশ করা।
৮।	দেশী-বিদেশী সায়েন্টিফিক জার্নালে ৬টি ফ্লোরিস্টিক প্রবন্ধ প্রকাশ করা।
৯।	‘ফ্লোরা অব বাংলাদেশ’ সিরিজের ৬টি সংখ্যার ই-ফ্লোরা প্রস্তুত করা।
১০।	বাংলাদেশের নির্বাচিত পাঁচটি সংরক্ষিত বনাঞ্চলের এলিয়েন এন্ড ইনভেসিব উদ্ভিদ প্রজাতির জরিপ কার্য পরিচালনা করা এবং নিয়ন্ত্রনের কৌশলপত্র প্রণয়ন করা।

<b>(ক) মধ্য মেয়াদী কর্ম পরিকল্পনার বিবরণ (২০১৯-২০২৪)</b>	
১।	বরিশাল ও সিলেট বিভাগের ভাস্কুলার উদ্ভিদ প্রজাতির জরিপ কার্য সম্পন্ন করা।
২।	ন্যাশনাল হারবেরিয়ামে সংরক্ষণের লক্ষ্যে ফুল-ফল, তথ্য এবং চিত্র সমেত ৫০০০০টি উদ্ভিদ প্রজাতির নমুনা সংগ্রহ করা।
৩।	হারবেরিয়ামে সংরক্ষিত ৫০০০০টি উদ্ভিদ নমুনার ই-ডাটাবেস তৈরি করা।
৪।	বরিশাল ও সিলেট বিভাগের ভাস্কুলার উদ্ভিদ প্রজাতিসমূহের উপর ২টি সচিত্র ফ্লোরিস্টিক পুস্তক প্রকাশ করা।
৫।	আইইউসিএন রেড লিস্ট ক্রাইটেরিয়া অনুযায়ী দেশের ১০০০ উদ্ভিদ প্রজাতির রেড লিস্ট এসেসমেন্ট তৈরী করা।

<b>(ক) দীর্ঘ মেয়াদী কর্মপরিকল্পনার বিবরণ (২০১৯-২০৩০)</b>	
১।	সমগ্র দেশের ভাস্কুলার উদ্ভিদ প্রজাতির জরিপ কার্য সম্পন্ন করা।
২।	‘ফ্লোরা অব বাংলাদেশ’ সিরিজের অবশিষ্ট সংখ্যাগুলো প্রকাশ করা।
৩।	আইইউসিএন রেড লিস্ট ক্রাইটেরিয়া অনুযায়ী দেশের অবশিষ্ট উদ্ভিদ প্রজাতির রেড লিস্ট এসেসমেন্ট সম্পন্ন করা।

হারবেরিয়াম কর্তৃক সংগৃহীত কতিপয় বিরল উদ্ভিদ প্রজাতির ছবি



**Lantana trifolia**



**Rhinacanthus calcaratus**



**Hemiorchis pantlingii**



**Mitrephora tomentosa**



**Gymnostachyum listeri**



**Salacia malabarica**